



Sindikat policijskih službenika Federalne uprave policije

[Handwritten signature]

23. 01. 2023

Broj : 3-23

Datum : 23.01.2023. godine

FEDERALNA UPRAVA POLICIJE
KABINET DIREKTORA
n/r Zamjenika direktora

PREDMET : Informacije i postupanje, t r a ž i s e;

Poštovani,

Sindikat policijskih službenika Federalne uprave policije zaprimio je od strane člana Sindikata [redacted] informaciju sa priloženom dokumentacijom koja se odnosi na nemogućnost naplate odštetnog zahtjeva po osnovu osiguranja od posljedica nesretnog slučaja-nezgode, broj police PO1 0100026790, datum isteka police 30.07.2023.godine.

U priloženom aktu ASA OSIGURANJA, naslovljen "Obavijest o obradi odštetnog zahtjeva", broj protokola: 000107/23/8-23-8-23-1-01 od 05.01.2023. godine, navodi se da je polica osiguranja po osnovu osiguranja od posljedica nesretnog slučaja - nezgode Ugovorača FMUP-Federalne uprave policije zaključena na period od 01.08.2022. godine do 31.07.2023. godine. Međutim, shodno Odredbama napomene 8. predmetne police, polica osiguranja nije aktivirana, odnosno osiguravajuće pokriće po predmetnoj polici nije poteklo, te iz tih razloga zahtjev [redacted] a se odbacuje kao neosnovan.

Naime, u gore navedenoj Obavijesti ASA OSIGURANJA, navodi se da u trenutku pisanja obavijesti citiramo "uvidom u analitičku karticu, utvrđeno je da Ugovarač, FMUP – Federalna uprava policije do danas nije uplatio niti jednu ratu premije". Obzirom da j [redacted] član Sindikata i obzirom da su svi članovi Sindikata policijskih službenika [redacted] predmet osiguranja na način da se na sve nas odnose odredbe Ugovora kojeg ste sklopili sa ASA OSIGURANJEM, direktno smo involvirani u predmetno, a odredbama statuta Sindikata PSFUP-e dužni smo štiti prava svojih članova, te od Vas tražimo detaljne informacije u cilju spoznaje istine i poduzimanja određenih zakonskih koraka u rješavanju problema vezanih za nepoštivanja zakonske obaveze "osiguranja policijskih službenika FUP-e od posljedica nesretnog slučaja-nezgode". Shodno navedenom tražimo da dostavite:

-Primjerak ugovora (fco) zaključen sa ASA OSIGURANJEM na period od 01.08.2022. godine do 31.07.2023. godine o osiguranju policijskih službenika od posljedica nesretnog slučaja;

- Primjerak police PO1 0100026790 (fco) zaključene sa ASA OSIGURANJEM (osiguranje radnika od posljedica nesretnog slučaja) za period od 01.08.2022.

godine do 31.07.2023. godine o osiguranju policijskih službenika od posljedica nesretnog slučaja;

- Vaše očitovanje o predmetnim navodima ASA osiguranja, ukoliko su isti istiniti, obrazloženje iz kojih razloga nisu izvršene uplate premije,
- Vaše očitovanje o stavu pružitelja usluga koje se odnosi na navode da osiguravajuće pokriće počinje teći po isteku 24-tog sata od dana kada je izvršena uplata;
- Informaciju da li ste od strane ASA OSIGURANJA zaprimili fakturu za uslugu osiguranja po predmetnom ugovoru, od kojeg datuma je faktura/e i da li ste istu/e realizovali;
- Informaciju da li ste od ASA osiguranja zaprimili opomenu ili neki drugi dopis kojim ste upozoreni da niste izmirili nastale obaveze iz ugovora o osiguranju policijskih službenika od posljedica nesretnog slučaja-nezgode;
- Informaciju da li su policijski službenici FUP-e trenutno osigurani od posljedica nesretnog slučaja – nezgode.

Pored tražene dokumentacije i informacija zahtjevamo da se uključite u rješavanje ovog problema jer je nedopustivo da policijski službenici nisu bili osigurani proteklih pet mjeseci ili to možda još uvijek nisu.

Tražimo da na osnovu Ugovora i načela obligatornog odnosa poduzmete aktivnosti na mirnom rješavanju nastale situacije (dogovor) i da stvorite uslove koji omogućavaju policijskom službeniku da bude obeštećen na osnovu prava koje crpi iz police osiguranja od posljedica nesretnog slučaja i to za vrijeme cjelokupnog ugovornog perioda od 31.07.2022. god. do 01.08.2023. godine. Također, predlažemo da ukoliko HITNO ne rješite ovaj problem, raskinete ugovor, crpite prava garancije i utuživanja, te obezbjedite odgovarajuće osiguranje policijskim službenicima.

Zahtijevamo da nas o poduzetim aktivnostima po predmetnom blagovremeno izvijestite, a da te informacije učinite dostupnim svim policijskim službenicima FUP-e. Molimo da u budućnosti vodite računa o primjeni ugovora, njihovoj svrsihodnosti, dejstvima, pravima i obavezama, da ugovori ne predstavljaju samo puko zadovoljavanje formalno pravnih okvira bez kontrole njihove provedbe.

Cijenimo Vašu suradnju i nedvojbeno očekujemo dostavu traženog kako bi Sindikat policijskih službenika FUP-e mogao "zaštiti članove" i boriti se za njihova prava obzirom da su ista uskraćena u domenu nepostojanja obaveznog osiguranja, odnosno postojanju osiguranja koje nema pokriće.



Aldin Sinanović